



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ex Nouo Testamento Quatuor Eua[n]=||gelia

Erasmus, Desiderius

Erphordie, 1520

VD16 B 4591

Capvt. XVIII.

urn:nbn:de:hbz:466:1-34488

SECVNDVM.

erant, vendebant, plantabant, ædificabant: Ceterum quo die
 exiit Lot e Sodomis, pluit igni & sulphure de cœlo, & omnes per-
 didit: Secundū hæc erit dies, quo filius hominis reuelatur. In illo
 die qui fuerit in tecto, & vasa eius in domo, ne descendat ad tol-
 lendū illa, & qui in agro similiter non redeat ad relicta, Memo-
 res estote vxoris Lot. Quicumq; quæserit animam suam seruare, per-
 det illā: Et quicumq; perdiderit illā, vitā illi parahit. Dico vobis,
 in illa nocte erunt duo in lecto vno, vnus assumetur & alter relin-
 quetur. Duę erunt molentes simul, vna assumetur, & altera res-
 linquetur. Et respondentes dicunt illi: Vbi domine? Qui dixit
 illis: Vbicunq; fuerit corpus, illuc congregabuntur & aquilæ.

¶ CAPVT. XVIII.

Itebat autē & parabolam ad illos, huc spectantem,
 qđ oporteret semp orare, nec defatigari, dicēs: Iudex
 qdā erat in quadā ciuitate, qui deum nō timebat, nec
 hominē reuerebatur. Vidua autem quædā erat in ciuitate illa, &
 veniebat ad eum, dicens: Vindica me de aduersario meo. Et nole-
 bat aliquandiu. post hæc autē dixit intra se: Quanquā deum non
 timeo, nec hominē reuereor, tamen quia molesta est mihi hæc vi-
 dua, vindicabo illam, ne tandē veniens sugillet me. Ait autem do-
 minus: Audite quid iudex iniquus dicat: Deus autem non faciet
 vindictam electorum suorū, clamantiū ad se die ac nocte, etiam
 cū patiens fuerit super illis? Dico vobis, quod faciet vindictam
 illorū cito. Veruntamen filius hominis cū venerit, an reperiturus
 est fidem in terra? Dixit autē & ad quosdā, qui in se confitebant,

quod essent iusti, & aspernabantur cæteros, parabolam istam:
 Duo homines ascendebant in templū, vt præcarentur, vnus pha-
 risæus, & alter publicanus. Phariseus stans, hæc apud se orabat:
 Deus gratias ago tibi, quod non sim sicut cæteri homines, rap-
 tores, iniusti, adulteri, velut etiã hic publicanus, ieiuno bis in sab-
 bato, decimas do omnium quæ possideo. Et publicanus procul
 stans, nec oculos volebat ad cælum attollere, sed percutiebat pes-
 ctus suū, dicens: Deus propitius esto mihi peccatori. Dico vo-
 bis: descendit hic iustificatus in domū suā magis q̄ ille: quia om-
 nis qui se extollit, humiliabitur: & q̄ se humiliat, extolletur. Affe-
 rebant autem ad eum & infantes, vt eos tangeret. Quod cum vi-
 derent discipuli, increpabat illos. Iesus autem cum illos ad se
 vocasset dixit, Sinite pueros venire ad me, & nolite vetare eos.
 talium est enim regnū dei. Amen dico vobis: quicumq; non acce-
 perit regnum dei veluti puer, non intrabit in illud. Et interroga-
 uit eū quidam princeps, dicens: Magister bone, quid faciendum
 mihi, vt consequar vitam æternam? Dixit autem ei Iesus: Quid
 me dicis bonum? Nemo bonus, nisi solus deus. Præcepta nosti:
 Non cõmittes adulterium, non occides, non facies furtum, non
 falsum testimonium dices, honora patrem tuum & matrem tuam
 At ille ait: Hæc omnia seruauī a iuuentute mea. Quo audito Ie-
 sus ait ei: Adhuc vnū tibi deest. Omnia quæcunq; habes, vende,
 & distribue pauperibus, & habebis thesaurū in cælo, & veni se-
 quere me. His ille auditis mœrore affect⁹ est, quia diues erat val-
 de. Videns autem Iesus illum mœrore affectum, dixit: Quā dif-

III XXXI SECUNDVM. VI

facile qui pecunias habent, in regnū dei intrabunt. Facilius est enim camelum per foramen acus transire, quam diuitē intrare in regnum dei. Et dixerunt qui audierant: Et quis potest saluus fieri? At ille ait: Quæ impossibilia sunt apud homines: possibilis sunt apud deum. Ait autem Petrus: Ecce nos reliquimus omnia ac secuti sumus te. Qui dixit eis: Amen dico vobis, nemo est, qui reliquit domū, aut parētes, aut fratres, aut vxorē, aut liberos propter regnū dei, qui non recepturus sit multo plura in hoc tempore, & in seculo venturo vitam æternā. Assumpsit autē Iesus duodecim, & ait illis: Ecce ascendimus Hierosolymā, & consumabuntur omnia, quæ scripta sunt per prophetas, filio hominis. Tradetur enim gentibus, & illudetur, & cōtumelijs afficietur, & conspuetur, & postquam flagelauerint, occident eum, ac die tertia resurget. Et ipsi nihil horum intellexerunt. Et erat verbum istud absconditum ab eis, nec intelligebant quæ dicebantur. Accidit autem cū appropinquaret Hiericho, cæcus quidam sedebat iuxta viā, mendicans, & cum audiret turbam prætereūtem, interrogabat, quid hoc esset. Dixerunt autem ei, quod Iesus nazarenus transiret. Et clamauit, dicens. Iesu fili Dauid, miserere mei. & qui præibant increpabant eū vt taceret. Ipse vero multo magis clamabat, fili Dauid, miserere mei. Stans autē Iesus, iussit illū adduci ad se. Et cū appropinquasset, interrogauit illū, dicēs: Quid tibi vis faciā? At ille dixit: Dñe, vt visū recipiā. Et Iesus dixit ei: Recipito visū. Fides tua te saluū reddidit. Et cōfestim visū recepit, ac sequebatur illum glorificans deum. Et omnis plebs vt vidit, dedit laudē deo.